



Broj: 20-04-1175-1/26
Sarajevo, 31.03.2026.god.

Bosna i Hercegovina
Federacija Bosne i Hercegovine
KANTON SARAJEVO
SKUPŠTINA KANTONA SARAJEVO
PREDSJEDAVAJUĆI SKUPŠTINE KS

Bosna i Hercegovina
Federacija Bosne i Hercegovine
KANTON SARAJEVO
31-03-2026
01-04-58637-82-209

PREDMET: Odgovor na zastupničko pitanje, dostavlja se
VEZA: Vaš akt, broj: 01-04-58637-82/25 od 25.03.2026. godine

Slijedom Vašeg akta, broj: 01-04-58637-82/25 od 25.03.2026. godine, kojim se dostavlja **zastupničko pitanje** zastupnika u Skupštini Kantona Sarajevo, **Faruka Selmanovića**, dostavlja Vam se odgovor na postavljena pitanja.

1. Kolika je trenutno važeća cijena smještaja za korisnike JU Gerontološki centar Sarajevo, uz razdvajanje po kategorijama usluga i stepenu zdravstvene njege korisnika?

Zaključkom Vlade Kantona Sarajevo, broj: 02-04-27760-28/23 od 15.06.2023.godine („Službene novine Kantona Sarajevo“, broj: 24/23), utvrđene su sljedeće (**trenutno važeće**) cijene usluga u KJU „Gerontološki centar“ Sarajevo:

Za usluge smještaja:

- a) jednokrevetna soba.....1.000,00 KM,
- b) višekrevetna soba- pokretni korisnici.....700,00 KM,
- c) višekrevetna soba- nepokretni korisnici..... 850,00 KM.

Za usluge kućne njege i pomoći u kući po satu usluge:

- a) usluga medicinske sestre i fizioterapeuta30,00 KM,
- b) usluga njegovateljice25,00 KM,
- c) usluga spremačice15,00 KM.

Za usluge dnevnog boravka:

- a) Članarina25,00 KM,
- b) Doručak.....3,00 KM,
- c) Ručak.....5,00 KM.

Za usluge boravka u Prihvatištu:

- a) Dnevno po korisniku.....25,00 KM
- b) Linearno mjesečno.....16.100,00 KM.

Za usluge prevoza korisnika do zdravstvenih ustanova na području

Kantona Sarajevo20,00 KM.

Cijene utvrđene navedenim Zaključkom Vlade Kantona Sarajevo **su važeće** cijene, na osnovu kojih se vrši naplata usluga u KJU „Gerontološki centar“ Sarajevo.



2. **Kada je posljednji put izvršena izmjena cijena smještaja, te na osnovu kojih kriterija i odluka je ista utvrđena?**

Izmjena cijena usluga koje pruža Kantonalna javna ustanova „Gerontološki centar“ je izvršena prvi put od 2014.godine naprijed navedenim Zaključkom Vlade Kantona Sarajevo, broj: 02-04-27760-28/23 od 15.06.2023.godine, sa primjenom od 01.07.2023.godine. Do tada su se primjenjivale cijene utvrđene Zaključkom Vlade Kantona Sarajevo, broj: 02-05-18281-47/14 od 05.06.2014.god. („Službene novine Kantona Sarajevo“ broj 24/14):

Za usluge smještaja:

- jednokrevetna soba.....700,00 KM,
- višekrevetna soba- pokretni korisnici..... 407,00 KM,
- višekrevetna soba- nepokretni korisnici..... 627,00 KM,
- Za usluge kućne njege i pomoći u kući po satu.....10,00 KM.**

Za usluge dnevnog boravka:

- Članarina18,00 KM,
- Doručak.....1,00 KM,
- Ručak.....3,00 KM.

Za usluge smještaja u prihvatilište:

- Dnevno po korisniku.....18,00 KM,
- Linearno mjesečno.....12.400,00 KM.

Osnov za kalkulaciju cijena usluga čini procjena minimuma usluga, bazirana na osnovnim potrebama korisnika, njihovo stanje, kao i objektivnim pokazateljima učešća materijalnih i drugih troškova po korisniku mjesečno. Polazište za utvrđivanje prijedloga su osnovne potrebe i njihovo učešće u troškovima ishrane korisnika, sredstava za održavanja higijene, troškovi električne energije, plina, vode, troškovi sanitetskog materijala i drugi materijalni troškovi bitni za život i rad sa korisnicima usluga, sredstva za plate neposrednih izvršilaca poslova u pružanju usluga i drugi troškovi vezani za djelatnost „Gerontološkog centra“. Također treba napomenuti troškove investicionog održavanje objekta, nabavku stalnih sredstava i inventara.

Rad KJU „Gerontološki centar“ se dijelom sufinansira iz Budžeta Kantona Sarajevo, sa pozicije Ministarstva za rad, socijalnu politiku, raseljena lica i izbjeglice Kantona Sarajevo. Visina iznosa finansiranja svake godine je različita što predstavlja veliku nesigurnost imajući u vidu činjenicu da je u odnosu na period kada su usvojene cijene usluga došlo do povećanja cijena mnogih prehrambenih artikala, sredstava za održavanje higijene, komunalnih usluga kao i troškova zaposlenih.

Bitno je istaći da je Kantonalna javna ustanova „Gerontološki centar“ najveća ustanova socijalne zaštite u Bosni i Hercegovini i da su cijene usluga koje pruža daleko najniže u Bosni i Hercegovini. Cijene usluga „Gerontološkog centra“ nisu ekonomske cijene, nisu tržišne i kalkulacija stvarnih troškova usluga je daleko veća u odnosu na utvrđene cijene. Trenutne cijene usluga „Gerontološkog centra“ su niske u odnosu na troškove poslovanja i ne omogućavanju normalno poslovanje.

3. **Da li su u proteklom periodu vršene korekcije cijena (povećanja ili smanjenja), te koji su razlozi za takve promjene?**

Na ovo pitanje je odgovoreno kroz prethodno pitanje.

4. **Da li postoji planirano usklađivanje cijena u narednom periodu, imajući u vidu ekonomske okolnosti i rast troškova života?**

Obzirom da su zbog povećanja cijena roba i usluga na tržištu, te povećanja troškova plata zaposlenih radnika, troškovi poslovanja Kantonalne javne ustanove „Gerontološki centar“ znatno porasli od posljednjeg povećanja cijena, Upravni odbor Ustanove je krajem 2024. godine i u decembru 2025. godine utvrdio Prijedlog izmjene Cjenovnika usluga Kantonalne javne ustanove „Gerontološki centar“ Sarajevo i Zaključka Vlade Kantona Sarajevo, broj: 02-04-27760-28/23 iz 2023.godine, te iste dostavio Vladi Kantona Sarajevo putem Ministarstva za rad, socijalnu politiku, raseljena lica i izbjeglice Kantona Sarajevo. Do danas povećanje cijena usluga nije odobreno.



Izmjena cjenovnika usluga ima za cilj definisati strategiju za **postepeno povećanje cijena usluga** u manjem procentu na godišnjem nivou, kontinuirano svake godine, uzimajući u obzir tržišna kretanja i konkurenciju. Ovaj korak je nužan radi toga što imamo iskustvo povećanja cijena jednom u deset godina što se odrazilo na nagli skok cijena usluga i isto je loše prihvaćeno od strane korisnika ove ustanove. Povećanje cijena usluga smještaja je nužan korak za održivost i rast poslovanja.

Želimo se zahvaliti zastupniku Faruku Selmanoviću za postavljeno pitanje i iskazanom interesu za pitanje cijena usluga KJU „Gerontološki centar“. Nadamo se da smo uspjeli dati tražene odgovore.

S poštovanjem.

Dostavljeno:

- 1x Naslovu
- 1x Služba za pravne i opće poslove GC
- 1x a/a



DIREKTOR

